



Situaziun precara dils cristians egl Irac

Lucia Wicki-Rensch orientescha a Mustér

■ (cp) Alla fin da settember d'uonn han reporters svizzers visitau la cuntrada da Ninive e Mosul egl Irac. Els ein vegni accompignai da *Lucia Wicki-Rensch*, responsabla per la lavur publica dall'Ovra



Lucia Wicki-Rensch.

MAD

d'agid internaziunala catolica «Kirche in Not». Quell'instituziun caritativa s'engascha fetg per la reconstrucziun dils stabiliments religius, destrui egl Irac dil stadi islamic terroristic (SI). L'Ovra d'agid «Kirche in Not» ha mess a disposiziun naven da 2011 tochen oz varga 45 milliuns francs per projects pastorals ed agid urgent egl Irac. L'uiara burgheisa da 2006–2008 ha custau egl Irac la veta a tshienmellis carstgauns. Biars han stuiu fugir ni ch'els ein vegni bandischi. Da quei ein era numerus cristians en quella tiara stai pertuccai. Oz viva egl Irac mo pli ina tiarza dils cristians d'antruras – aunc rodund 250 000.

Dumengia proxima, ils 21 d.q. ei quella dalla missiun mundiala. Duront la messa gronda a S. Gions Mustér, alas 09.30, orientescha Lucia Wicki-Rensch, oriunda da Trun, davart l'Ovra internaziunala catolica d'agid «Kirche in Not». L'unfrenda va era per quella instituziun.